

— Մի՛ տխրիր, Ֆարհատ, — ասաց նա ինձ. — դու մի լաւ եւ բարի առաջ-
նորդ ունես, որ կը կանգնեցնէ քեզ ուղիղ ճանապարհի վրա...

Համարեալ նոյն խօսքերը ասաց ինձ Կարօն, երբ վերջին անգամ բա-
ժանուցայ նրանից: Ի՞նչ էին նշանակում այդ խօսքերը:

Ես եւ Ասլանը դուրս եկանք սենեակից՝ նրան ճանապարհ դնելու: Մին-
չեւ սանդուղքները գնացինք նրա հետ: Այստեղ նա կանգնեցրեց մեզ, կրկին
եւ կրկին անգամ սեղմելով մեր ձեռքը, ցած իջաւ սանդուղքներից: Ներքեւից
մի անգամ եւս ետ նայեց, գլխով մնաք բարեաւ ասաց եւ դուրս եկաւ պանդո-
կից: Մենք երկար անշարժ կանգնած էինք սանդուղքների գլխին, եւ մեր աչ-
քերը յառած էին դէպի այն դուռը, որտեղից դուրս եկաւ ազնիւ երիտասարդը
եւ անյայտացաւ փողոցի մթութեան մէջ:

Վերադառնալով մեր սենեակը, թե՛ ես եւ թե՛ Ասլանը, սիրելի բարեկա-
մից անջատուելու ծանր տպաւորութեան ներքոյ, տխուր էինք, ոչինչ չէինք
գտնում խօսելու: Ասլանը յոգնածի նման ընկողմանեցաւ օթոցի վրայ, իսկ ես
նստեցի մոմի հանդէպ: Երեւում էր, որ ամբողջ օրը թափառել էր նա: Նրա
աչքերը շուտով խփոցեան, սկսեց նիրհել: Ես նայում էի մոմի վրայ: Լուսաւո-
րութեան զոհերը այժմ շատացել էին, եւ ճրագի շուրջը ծածկոած էր լուսոյ
այդ անձնանոէր սիրահարների դիակներով...

Երբեմն իմ աչքերը յածում էին սենեակի շուրջը: Կարծես, որոնում էին
Ջալլադի հետքերը: Նրա զենքերը մնացել էին իրանց տեղում: Չլինի՞ թէ մո-
ռացել էր նա: Կամ նրան այլեւս պետք չէին այդ մահուան եւ կենաց գործիքնե-
րը: Նա վերառեց իր փոքրիկ խուրջինը միայն, որի մէջ, որպէս սրբութիւն,
պահուած էին այն մագաղաթները, որ նա գտաւ Աղթամարայ վանքում:

Պանդոկի բակից երբեմն լսելի էր լինում նրա նժոյգի խուլ խրիսիսը:
Խեղճ անասուն, նա էլ տխուր էր երեւի, նա էլ զգում էր, որ իր սիրելի տերը
այլեւս չի նստի նրա վրայ:

Ասլանը բաց արեց աչքերը, ասաց.

— Եթէ մի մարդ հարցնելու լինի ինձ, շուտով զարթեցրու:

— Դու քնո՞ւմ ես:

— Ոչ, այնպէս նիրհում եմ:

Պանդոկում ամէն ինչ լուռ էր. ճրագները հանգցրել էին, եւ ամէն ոք
հանգստանում էր խորին քնի մէջ: Միայն երբեմն լսելի էր լինում գիշերապահ
հասասների ծայնը, որ ման էին գալիս պանդոկի կտուրի վրայ, եւ նրանց
ծայնին պատասխանում էին միւս պանդոկների կտուրներից: